

易

說



中華書局

易

說

司馬光 撰

叢書集成初編

易說

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇·一八·一五一

易說

叢書集成初編所選聚  
珍版叢書及經苑皆收  
有此書經苑本覆刻聚  
珍故據聚珍本排印

## 易說總論

或曰易者聖人之所作乎。曰易者先天而生後天而終。細無不該大無不容遠無不臻廣無不充。惟聖人能索而知之逆而推之使民識其所來而知其所歸。夫易者自然之道也。子以爲伏羲出而後易乃生乎。或曰敢問易者天事歟抑人事歟。曰易者道也。道者萬物所由之塗也。孰爲天孰爲人故易者陰陽之變也。五行之化也。出於天施於人被於物莫不有陰陽五行之道焉。故陽者君也父也樂也德也陰者臣也子也禮也刑也。五行者五事也。五常也。五官也。推而廣之凡宇宙之間皆易也。烏在其專於天專於人。二者之論皆蔽也。且子以聖人爲取諸胸臆而爲仁義禮樂乎蓋有所本之矣。

或曰易道其有亡乎。天地可敝則易可亡。孔子曰乾坤毀則無以見易易不可見則乾坤或幾乎息矣。是故人雖甚愚而易未嘗亡也。推而上之邃古之前而易已生。抑而下之億世之後而易無窮。是故易之書或可亡也。若其道則未嘗一日而去物之左右也。萬物蚩蚩若魚蝦蠃蚌之處於海食焉游焉死焉而終莫之知也。

或曰聖人之作易也爲數乎爲義乎。曰皆爲之二者孰急。曰義急數亦急何爲乎數急曰義出於數也。義何爲出於數。曰禮樂刑德陰陽也。仁義禮智信五行也。義不出於數乎。故君子知義而不知數。雖善無所統之。夫水無源則竭木無本則蹶是以聖人抉其本源以示人使人識其所來則益固矣。易曰君子居則

易說總論

觀其象而玩其辭。動則觀其變而玩其占。明二者之不可偏廢也。

# 易說原序

九師興而易道微。易之微豈專九師咎哉。彖翼而下。旁薄深廣。留七分者亡。幾田丁施費。脈脈師授俾勿墜龍龜圖書。或左用之而不悟。京房守緯數其失也。浮二千年間。易道悵悵。如蒙霧行述而不論。河汾猶難之。歷越五閏。真人御宇。玉澤萃鍾。異人間世。希夷抉羲畫而成于邵。濂溪泄周經而融于程。以至匯爲漢上。而尙變演爲考亭。而尙占支析爲合沙。而尙象三聖玄蘊。剖抉靡遺。而讀者瞭然如生三代之世。晚得溫公易說一編。視諸老尤最通暢。今流傳人間。世橐雖未完。其論太極陰陽之道。乾坤律呂之交。正而不頗。明而不鑿。獵獵與濂洛貫穿。中間分剛柔中正配四時。微疑未安。學者直心會爾。易之作聖人吉凶與民同患之書也。非隱奧難深而難見也。談易而病其隱且艱。非深于易者也。參習是編。易道庶其明乎。

時丙申臘月朔。茶陵後學古迂陳仁子同備序。

# 易說目錄

卷一

上經 乾 坤 屯 蒙 需 訟 師 比 小畜 踐

卷二

上經 泰 否 同人 大有 謙 豫 隨 豊 臨 觀 嘉 睽 賞 劉 復 无妄

大畜 頤 大過 坎 離

卷三

下經 咸 恒 遯 大壯 晉 明夷 家人 曇 蹇 解 損 益 夬 姮

卷四

下經 萃 升 困 井 革 鼎 震 艮 漸 歸妹 豊 旅 畏 兌 漢 節

中孚 小過 既濟 未濟

卷五

繫辭上

卷六

繫辭下 說卦 序卦 雜卦

臣等謹案易說宋司馬光撰光事蹟見宋史本傳攷蘇軾撰光行狀載所作易說三卷註繫辭二卷宋史藝文志作易說一卷又三卷又繫辭說二卷晁公武讀書志云易說雜解易義無詮次未成書朱子語類又云嘗得溫公易說于洛人范仲彪蓋隨卦六二其後缺焉後數年好事者于北方互市得板本喜其復全是其書在宋時所傳本已往往多寡互異其後乃并失傳故朱彝尊經義考亦註爲已佚今獨永樂大典中有之而所列實不止于隨卦似卽朱子所稱後得之本其釋本卦或三四爻或一二爻且有全無說者惟繫辭差完備而說卦以下僅得二條亦與晁公武之言相合又以陳友文集傳精義馮椅易學胡一桂會通諸書所引光說核之一一具在知爲宋代原本無疑其解義多闕者蓋光本撰次未成如所著潛虛轉以不完者爲真本並非有所殘佚也光傳家集中有答韓秉國書謂王輔嗣以老莊解易非易之本旨不足爲據蓋其意在深闢虛無玄渺之說故于古今事物之情狀無不貫徹疏通推闡深至如解同人之象曰君子樂與人同小人樂與人異君子同其遠小人同其近坎之大象曰水之流也習而不止以成大川人之學也習而不止以成大賢咸之九四曰心苟傾焉則物以其類應之故喜則不見其所可怒怒則不見其所可喜愛則不見其所可惡惡則不見其所可愛大都不襲先儒舊說而有得之言要如布帛菽粟之切于日用惜其沈湮滋久說易家竟不獲覩其書今幸際聖朝表章典籍復得搜羅故簡袞次成編亦可知名賢著述其精意所

在有不終泯于來世者矣。謹校勘釐訂，略仿宋史原目，定爲六卷。著于錄，乾隆四十七年二月恭校上。

總纂官內閣學士臣紀昀

光祿寺卿臣陸錫熊

纂修官翰林院編修臣周永年

# 易說卷一

宋司馬光撰

上經 坤 圜 豊 需 訟 師 比 小畜 蘡

三三 乾下乾上

乾、元亨利貞。

初九潛龍勿用。

初九陽之始也。于律爲黃鍾。于麻爲建子之月。陽氣方萌于黃泉。太陰始盛。萬物未被其澤。故曰潛龍。龍者何陽也。陽則曷謂之龍。龍者神獸。變化無常。升降有時。故象陽也。其言勿用何。聖人觀象而爲之戒也。潛龍之時。伏于泉。不可用也。是故冬華而雷。爲妖。爲災。人躁而狂。爲凶。爲殃。皆時不可用而用之也。

九二見龍在田利見大人。

九二者。陽之見也。于律爲太簇。于麻爲建寅之月。陽氣簇達。發而在田。萬物忻忻。生意昭蘇。故曰見龍。在田。其言利見大人者。何通之于人也。君子修德行義。始聞于人。人莫不悅。莫不歸焉。雖未有功善之

端也。治之本也。故曰利見大人。

九三君子終日乾乾。夕惕若厲。无咎。

九三陽之進也。于律爲姑洗。于麻爲建辰之月。萬物畢生而趨于繁茂之時也。故君子進德修業。自强不息也。其言夕惕若厲無咎者何。聖人爲之戒也。九三在下體之上。居上體之下。勤則進乎上。怠則退乎下。故夕惕若厲。然後得无咎也。

九四或躍在淵。无咎。

九四陽之盛也。于律爲蕤賓。于麻爲建午之月。萬物誠茂矣。而未及于大成。德業誠盛矣。而未至于大亨。安居則不能。欲進而自疑。故躍以試之也。夫言在淵无咎者何。失于進不若失于止之愈也。

九五飛龍在天。利見大人。

九五陽之成也。于律爲夷則。于麻爲建申之月。黍稷旣實。功德成矣。德業普施。大人亨矣。萬物熙熙。道大行矣。故曰利見大人。

上九亢龍有悔。

乾上九。或曰。物之盛則蕤賓。不若林鍾也。物之成則夷則。不若仲呂也。舉其微而舍其彰。何也。曰。君倡而臣和。陽生而陰成。故陰者佐陽而代。有終也。陽者倡陰而尸其功也。是君臣之道也。又何疑焉。(案)光解乾坤六爻。本于景王將鑄無射篇。章昭注云。十一月日黃鐘。乾初九正月曰太簇。乾九二三月曰

姑洗乾九三五月曰蕤賓乾九四七月曰夷則乾九五九月曰無射乾上九據此則此爻注于律應爲無射爲建戌之月乃此條復論蕤賓林鐘夷則仲呂不及無射疑上有脫文

用九見羣龍无首吉

龍者神獸能隱能見有變化之象陽氣能生能成聖賢能出能處故易皆謂之龍惟聖知聖惟賢知賢聖賢見己之類當推而下之勿爲之首爲之首則亢矣

彖曰大哉乾元萬物資始乃統天雲行雨施品物流形大明終始六位時成時乘六龍以御天乾道變化各正性命保合大和乃利貞首出庶物萬國咸寧

象曰天行健君子以自彊不息

潛龍勿用陽在下也見龍在田德施普也終日乾乾反復道也

反復道也君子進德修業反復以求先王之道而力行之或躍在淵進无咎也

進无咎也言進亦无咎而君子寧在淵也

飛龍在天大人造也

大人造也大人之所宜爲也

亢龍有悔盈不可久也用九天德不可爲首也

文言曰元者善之長也亨者嘉之會也利者義之和也貞者事之幹也君子體仁足以長人嘉會足以合禮利物足以和義貞固足以幹事

元者善之長也體仁足以長人長猶首也仁者愛人人皆歸之可爲之首亨者嘉之會也嘉會足以合禮君明臣忠父慈子孝兄友弟恭夫義婦順上下皆美際會交通然後成禮利者義之和也利物足以和義仁者聖人不裁之義則事失其宜人喪其利故君子以義制仁政然後和貞者事之幹也貞固足以幹事詩三百一言以蔽之曰思無邪故貞者事之幹也君子固守其正以槩幹萬事使不散亂也

君子行此四德者故曰乾元亨利貞

初九曰潛龍勿用何謂也子曰龍德而隱者也不易乎世不成乎名遯世无悶不見是而无悶樂則行之憂則違之確乎其不可拔潛龍也

不見是而无悶舉世非之亦無悶也樂行憂違君子遇有道得行其志則樂遇無道不得行其志則憂九二曰見龍在田利見大人何謂也子曰龍德而正中者也庸言之信庸行之謹閑邪存其誠善世而不伐德博而化易曰見龍在田利見大人君德也

正中信謹以下皆所以修身也君子有君德而無其位修己以俟時德己及人也

九三曰君子終日乾乾夕惕若厲无咎何謂也子曰君子進德脩業忠信所以進德也脩辭立其誠所以居業也知至至之可與幾也知終終之可與存義也是故居上位而不驕在下位而不憂故乾乾因其時

而惕雖危无咎矣。

修辭立其誠所以居業也。君子外修言辭內推至誠。內外相應。令無不行。事業所以日新也。九四曰。或躍在淵无咎。何謂也。子曰。上下无常。非爲邪也。進退无恆。非離羣也。君子進德脩業。欲及時也。故无咎。

君子時行則上進。時止則下退。非爲邪以求利。非違衆以干名也。恐失時而已。

九五曰。飛龍在天。利見大人。何謂也。子曰。同聲相應。同氣相求。水流濕火就燥。雲從龍。風從虎。聖人作而萬物覩。本乎天者親上。本乎地者親下。則各從其類也。

聖人在位。萬物無不知之。故聖賢畢集。亦從其類也。

上九曰。亢龍有悔。何謂也。子曰。貴而无位。高而无民。賢人在下位而无輔。是以動而有悔也。

既亢驕自賢。則賢人在下位。莫肯輔其顛危也。

潛龍勿用。下也。見龍在田。時舍也。

爲時所捨。故有君德而無其位。

終日乾乾。行事也。或躍在淵。自試也。飛龍在天。上治也。

亢龍有悔。窮之災也。乾元用九。天下治也。

潛龍勿用。陽氣潛藏。見龍在田。天下文明。終日乾乾。與時偕行。或躍在淵。乾道乃革。飛龍在天。乃位乎天。

德亢龍有悔與時偕極乾元用久乃見天則

乾元者始而亨者也利貞者性情也乾始能以美利天下不言所利大矣哉

大哉乾乎剛健中正純粹精也六爻發揮旁通情也時乘六龍以御天也雲行雨施天下平也

君子以成德爲行曰可見之行也潛之爲言也隱而未見行而未成是以君子弗用也

君子學以聚之間以辨之寬以居之仁以行之易曰見龍在田利見大人君德也

九三重剛而不中上不在天下不在田故乾乾因其時而惕雖危无咎矣

九四重剛而不中上不在天下不在人故或之或之者疑之也故无咎

夫大人者與天地合其德與日月合其明與四時合其序與鬼神合其吉凶先天而天弗違後天而奉天時天旦弗違而況于人乎況于鬼神乎

亢之爲言也知進而不知退知存而不知亡知得而不知喪其惟聖人乎知進退存亡而不失其正者其惟聖人乎

☰☷坤下坤上

坤元亨利牝馬之貞君子有攸往先迷後得主利西南得朋東北喪朋安貞吉

彖曰至哉坤元萬物資生乃順承天坤厚載物德合无疆含弘光大品物咸亨牝馬地類行地无疆柔順利貞君子攸行先迷失道後順得常西南得朋乃與類行東北喪朋乃終有慶安貞之吉應地无疆

象曰地勢坤君子以厚德載物。

乾之象曰自强不息坤之象曰厚德載物何也曰强者勉之謂也載者安濟之謂也君子自强法天厚德法地德不厚則物不得而濟也是故自强不息則道無不臻厚德而載則物無不濟夫乾坤者易之門戶二象者道德之關樞也

初六履霜堅冰至

象曰履霜堅冰陰始凝也馴致其道至堅冰也。

初六者陰之始也于律爲林鍾于麻爲建未之月陽氣方盛陰生而物未之知也是故君子謹之其曰履霜堅冰至霜者寒之先也冰者寒之盛也君子見微而知彰原始而知終攘惡于未芽杜禍于未萌是以身禔而國家乂寧也

六二直方大不習无不利

象曰六二之動直以方也不習无不利地道光也。

六二者于律爲南呂于麻爲建酉之月草木黃落暑去而寒至也其曰直方大何直方而大地之德也六二何爲擅地之德坤之主也六二何爲坤之主夫陰陽雖殊皆主中正者也故乾九五陽之主也坤六二陰之主也地之德其爲直方大者何直者言其氣方者言其形也大者兼形與氣而言之也六三含章可貞或從王事无成有終